

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj: 02-44-2-406/18

Datum: 12.02.2018. godine

OPĆINSKO VIJEĆE TEŠANJ

- Ovdje

**INFORMACIJA
O IZVRŠENOM DEMINIRANJU, TRAJNOM OBILJEŽAVANJU
MINSKIH POLJA I UKLANJANJU NUS-A U 2017.GODINI NA PODRUČJU
OPĆINE TEŠANJ**

a) Deminiranje

Problem kontaminacije minama prisutan je u većini općina FBiH, a jedna od njih je i općina Tešanj. Obzirom da je od strane Centra za uklanjanje mina u BiH (u daljem tekstu: BH MAC) 2011. godine urađen Plan protuminskog djelovanja za općinu Tešanj (u daljem tekstu :Plan), sve aktivnosti su bile usmjerena ka realizaciji utvrđenih planskih aktivnosti na deminiranju i upozoravanju na opasnosti od mina. Navedenim Planom utvrđena su najugroženija područja općine i to periferni dijelovi mjesnih zajednica Miljanovci-Lončari, Kalošević, Mrkotić, Orašje Planje, Džemilić Planje, Raduša, Dobropolje-Mekiš i djelimično Karadaglije. U ovim mjesnim zajednicama uglavnom je kontaminirano poljoprivredno i šumsko zemljište koje spada u drugu i treću kategoriju prioriteta deminiranja.

Planom je utvrđena sumnjiva površina po kategorijama prema sljedećoj strukturi:

Minska situacija općine Tešanj po kategorijama po Planu iz 2011. godine

Minska situacija- općina Tešanj	Sumnjiva površina I kat. (km ²)	0,5697
	Sumnjiva površina II kat. (km ²)	0,7251
	Sumnjiva površina III kat. (km ²)	1,7947
	Ukupna sumnjiva površina (km ²)	3,0895
	Broj ugroženih zajednica	10

Nakon provedenih opširnijih protivminskih aktivnosti od donošenja Plana iz 2011. godine do danas značajno je promjenjena minska situacija. Trenutno stanje je prikazano prema sljedećoj strukturi:

Minska situacija općine Tešanj po kategorijama iz 2017. godine

Minska situacija- općina Tešanj	Sumnjiva površina I kat. (km ²)	0,1131
	Sumnjiva površina II kat. (km ²)	0,1614
	Sumnjiva površina III kat. (km ²)	1,6226
	Ukupna sumnjiva površina (km ²)	1,8971
	Broj ugroženih zajednica	7

U 2017. godini, protuminska aktivnost se provodila u skladu sa usaglašenim aktivnostima na deminiranju projekata koji su kandidovani međunarodnim organizacijama. Ostvaren je kontakt sa Ambasadom Njemačke koji su terenski verifikovali predložene projekte, ali do realizacije nije došlo u 2017. godinu, te je ista prebačena za 2018. godinu.

U 2017. godini realizovan je jedan projekat kasetne municije:

Red. broj	NAZIV PROJEKTA DEMINIRANJA	DEMINIRANA POVRŠINA	VRSTA PMA	NAPOMENA
1.	Tešanjka KM-T –ID 0009	24.710 m ²	Čišćenje i Tehničko izviđanje	
UKUPNO DEMINIRANO:		24.710 m ²		

Deminirane površine u 2017. godini na području općine Tešanj

Ovo je zadnji od četiri projektovana projekta kasetne municije na području općine Tešanj. Projekat je realizovala *HO Norveška narodna pomoć* Sarajevo. Ukupna deminirana površina obuhvaćena kasetnom municijom je 164.290 m².

Tokom 2017. godine u saradnji sa BHMACH-Regionalni ured Tuzla je realizovana aktivnost revizije postavljenih znakova upozoravanja na opasnosti od mina na području Mrkotića, Orašje i Džemilić Planja.

Također, izvršen je pregled devet postavljenih bilborda sa kartama sumnjivih površina, te je zbog oštećenja konstrukcije i karata izvršen popravak i zamjena karata na četiri bilborda.


Provedene su aktivnosti na upozorenju na opasnost od zaostalih mina i NUS-a, te je obavljen razgovor sa direktorima četiri osnovne škole (Jablanica, O.Planje,Kalošević i Miljanovci) koji gravitiraju u zonama sumnjivih površina.Tom prilikom su uručeni afiše-uputstva na opasnost od mina (500 kom.), te dogovoreno oko edukacije djece iz ove oblasti.

PROJEKTI SA LISTE PRIORITETA ZA 2018. GODINU

ID broj	Projekat-Lokacija	Površina (m ²)	Kategorija	Napomena
1	2	3	4	7
7122	Vrela – Kanatova kosa	46.894,00	Teh.izviđanje	Lista 2018
10747	Oraš Planje-Bučje 1	10.600,33	Čišćenje	Lista 2018
10748	Oraš Planje-Bučje 2	23.868,62	Teh.izviđanje	Lista 2018
10749	Oraš Planje-Bučje 3	40.865,75	Teh.izviđanje	Lista 2018
10750	Oraš Planje-Bučje 4	49.799,68	Teh.izviđanje	Lista 2018
U K U P N O		172.028,38		

Saradnja, koordinacija, izvještavanje i informisanje redovno se provodilo u skladu sa propisima i potrebama, a naročito sa i prema BH MAC-u Sarajevo i regionalnim uredima u Tuzli i Banja Luci, upravama civilne zaštite Federacije i Kantona, Općinskom vijeću i Općinskom načelniku, općinskim službama, Policijskoj upravi Tešanj i mjesnim zajednicama i građanima, kao i medijskim kućama na području općine Tešanj i šire.

Grafički su prikazani i finansijski efekti provedenih svih protuminskih aktivnosti na području općine Tešanj iskazani kroz strukturu finansiranja.



b) Prikupljanje i uništavanje neeksploziranih ubojnih sredstava i minsko eksplozivnih sredstava

Neeksplozirana ubojna sredstva (NUS) su sva tijela ili njihovi dijelovi koja u sebi sadrže eksplozivnu materiju, bojni otrov ili radiološku supstancu koja je sposobna da svojim aktiviranjem ugroze okolinu koja ih okružuje. U neeksplozirana ubojna sredstva se mogu svrstati i sva druga ubojna sredstva koja nisu upotrebljena jer su svjesno/nesvjesno ostavljena, izgubljena ili zaboravljena. Ovdje se prije svega misli na municiju ili eksplozivna sredstva koja nisu imala svoju prvobitnu upotrebu nego su izgubljena, ostavljena na linijama razgraničenja, pored puteva, u šumama i na drugim mjestima, te svojim prisustvom potencijalno predstavljaju opasnost po zdravlje i život čovjeka.

Stanje na terenu sa aspekta zaštite od NUS-a pokazuje da se još uvijek neeksplozirana sredstva pronalaze na cijelom području općine, a najviše u širem području gdje su vođena borbena dejstva. Također, dio ubojnih neupotrebljenih sredstava može se pronaći odbačen na raznim mjestima od strane nesavjesnih građana, pa na takav način uz dodatno izlaganje istih vanjskim uticajima, ugrožavaju svoj i živote drugih ljudi.

Reorganizacijom Sektora za deminiranje i uklanjanje NUS-a Federalne uprave CZ, koja je usmjerila svoje aktivnosti više prema deminiranju, stvorio se proceduralni vakum koji iziskuje angažovanje TUN tima koji pokriva tri i više kantona, pa zavisno od broja prijava uklanjanje NUS-a se vrši nakon nekoliko dana, na šta je već ranije Služba civilne zaštite skretala pažnju.

Svakako da treba spomenuti i ono najbitnije da u toku 2017. godine na području općine Tešanj nije bilo minoincidenata, odnosno slučajeva stradanja ili ranjavanja građana, pripadnika TUN tima i uposlenika Službe civilne zaštite od zaostalog NUS-a, što svakako opravdava sve dosadašnje aktivnosti u provođenju mjera zaštite od NUS-a.

Pregled prikupljenih neeksploziranih ubojnih sredstava u 2017. godini


Red. Br.	VRSTA NUS-a	KOLIČINA
4.	Granata 90 mm	1 kom.
6.	Minobacačka granata 60 mm	10 kom.
9.	Projektil RB M-57	2 kom.
11.	Pješadijska mina PMA-2	1 kom.
12.	Tenkovska mina TMM1	1 kom.
13.	Tenkovska mina TMRP-6	1 kom.
14.	Ručna bomba	14 kom.
15.	Detonator ručne bobe	7 kom.
18.	Tromblon	2 kom.
19.	Improvizovano sredstvo	1 kom.
20.	Municija do 7,9 mm	19 kom.
21.	Municija 12,7 mm	1 kom.
22.	Kapisla	46 kom.
23.	Sačma	1226 gr.

Prijedlog mjera:

1. Kontinuirano nastaviti provođenje mjera obavještanja građana o postupku pronalaska NUS-a, kao i u slučaju mogućeg ulaska u sumnjivu površinu, te pozivati ih na dosljedno poštivanje znakova minske opasnosti.
2. Nastaviti kandidovati pripremljene projekte deminiranja, uz obezbjeđenje očekivanog finansijskog učešća općine Tešanj. Budžetom za svaku godinu planiraju se ovakva sredstva i nikada nije izostalo učešće općine Tešanj, ako je bilo potrebno i očekivano od donatora.
3. Pružiti dodatnu podršku edukaciji mladih osoba, naročito učeničke populacije.

OBRADIVAC:
SLUŽBA CIVILNE ZAŠTITE

mr.sig. Mensur Saletović



PREDLAGAČ:
OPĆINSKI NAČELNIK

Mr.Sc. Suad Huskić